

ԿԱՐԵՆ ՓԱՆՆԵՐՅԱՆ

պարմական գիր. թեկնածու

**ՌՈՒՍԱԿԱՆ ԿԱՅՍՐՈՒԹՅԱՆ ՏԵՂԱԳՐԱԿԱՆ
ԶՈՐՔԵՐԻ ՆԱՅԱԶԳԻ ԶԻՆՎՈՐԱԿԱՆՆԵՐԸ**

Գիրության և փոխակալի շարունակական զարգացումը ԺԹ. դարի վերջին և Ի. դարի սկզբին իր անմիջական ազդեցությունն ունեցավ նաև ցարական Ռուսաստանի զինված ուժերի վրա: Ռուսական կայսերական բանակում Ի. դարի սկզբին աննախադեպ առաջընթաց գրանցվեց նաև հատուկ զորատեսակներից մեկում՝ տեղագրական գորքերում:

Տեղագրական գորքերի կազմավորումից ի վեր դրանք ենթարկվել են բազմաթիվ փոփոխությունների, պարմական տարբեր ժամանակահատվածներում վերջիններս հանդես են եկել տարբեր տեսքով և իրականացրել են փոխադարձ անհրաժեշտ առաջադրանքներ: Ռուսաստանի զինված ուժերի կազմում տեղագրական գորքերը ծնունդ են առել ԺԸ. դարի սկզբին և ներառված են եղել Գլխավոր շտաբի կազմում: Սկզբում այդ մասնագետները իրականացրել են միմիայն քարտեզագրման աշխատանքներ: Սակայն, Ռուսաստանի առջև ծառացած նոր մարտահրավերներով պայմանավորված, արդեն 1822 թ. ռուսական զինված ուժերում ձևավորվեց ռազմական տեղագիրների կորպուսը, որին վերապահված էր իրականացնելու արդեն ծրագրային տեղագրական աշխատանքներ: Կորպուսը նշված տեսքով գոյատևեց մինչև 1917 թ. Ռուսաստանում տեղի ունեցած հայտնի իրադարձությունները, որոնց արդյունքում վերջնականապես ավարտվեց ցարական բանակի պարմությունը:

Խաղաղ պայմաններում տեղագրական կորպուսի սպաները իրականացրին բազմաթիվ տեղագրական նկարահանումներ և գեոդեզիական աշխատանքներ, իսկ պատերազմական պայմաններում՝ մարտական գործողությունների լայնածավալ տարածություններում, շատ հաճախ բնակլիմայական դժվար պայմաններում արդյունավետորեն իրականացրին բազմաթիվ տեղափոխումներ և տեղադրվումներ:

Տեղագրական գորքերի անձնակազմը հիմնականում բաղկացած էր սպայական կազմից, իսկ տեղագրական գորքերի սպայական կազմը 1822 թ. սկսած պարտաստվում էր զինվորական-տեղագրական ուսումնարանում, որը ստեղծվել էր կադետական կորպուսների և ռեալական ուսումնարանների հիմքի վրա: Զինվորական-տեղագրական ուսումնարանը ուներ երկամյա կրթական համակարգ: Նրա ընդհանուր հաստիքային կազմը մեծ չի եղել. յուրաքանչյուր տարի ուսումնարանը փակվել է 20 շրջանավարտ: Այսինքն, ուսումնարանում միաժամանակ սովորել են թվով 40 յունկեր: 1910 թ. սկսած յունկերների թիվը հասցվեց 50-ի: Բացի նշվածից, ուսումնարանը յուրաքանչյուր տարի վերապատրաստման դասընթացներ էր անցկացնում նաև ռուսական գորքերից գործողված սպաների համար:

Տեղագրական գորքերի բարձրագույն սպայական կազմը պատրաստվում էր Գլխավոր շտաբի Նիկոլաեյան ակադեմիայի տեղագրական բաժնում: Ակադեմիայի շրջանավարտները դառնալու էին պետության համար անհրաժեշտ նկարահանման աշխատանքների ղեկավարներ և կազմակերպիչներ: Տեղագրական գորքերի բարձրագույն սպայական կազմը Նիկոլաեյան ակադեմիան ավարտելուց հետո եւս 2 փառի ուսանում էր Պուլկովյի Նիկոլաեյան աստղադիտարանում, որտեղ հատուկ նրանց համար կազմակերպվում էին դասընթացներ:

Տեղագրական գորքերի համար լուրջ փորձություն էին ԺԹ. դարի վերջին ծավալված ռուս-թուրքական պատերազմները, որից ստացած դասերը ռազմական տեղագիրները օգտագործեցին արդեն Ի. դարի սկզբին՝ 1900-1901 թթ. դեպի Չինաստան կազմակերպված ռազմարշավի, ռուս-ճապոնական և Առաջին համաշխարհային պատերազմների ժամանակ:

Ի. դարի սկզբին Եւրոպայում և Տեղավոր արեւելքում քաղաքական իրավիճակի լարվածության պատճառով բոլոր մեծ և փոքր երկրների հեղափոխական աշխատանքներ իրականացնող հատուկ ծառայությունների հետ միաժամանակ գործում էին նաեւ տեղագրական աշխատանքներ կատարող, քարտեզագրող, լուսանկարող, չափագիրական գործողություններ և հաշվարկներ իրականացնող տեղագրական գործադեսներ:

ԺԹ. դարի վերջին և հաջորդ դարի սկզբին Ռուսաստանի զինված ուժերի պատրաստականության մակարդակի բարձրացման, տեղագրական գորքերի կայացման և ամրապնդման գործում արժեքավոր ներդրում կատարեցին նաեւ տեղագրական գործադեսները ծառայող մի շարք բարձրաստիճան հայազգի սպաներ: Այդ սպաներից էր ցարական Ռուսաստանի զինված ուժերում 50 և ավելի փառիներ օրինակելի և անբասիր ծառայությամբ աչքի ընկած հայազգի գեղապետ Սամսոն Մերգելի Զավրիեւը: Նա ծնվել է 1848 թ. հոկտեմբերի 11-ին: Կրթություն է ստացել տեղագրական թիվ 3 վաշտում: Ռուսաստանի զինված ուժերում ծառայության է անցել 1863 թ. ապրիլի 30-ին և ծառայության առաջին իսկ օրերից առանձնացել է իր բանիմացությամբ և որակական բարձր հատկանիշներով: Զավրիեւի օրինակելի ծառայությունը չի վրիպել հրամանատարության ուշադրությունից, և հայազգի զինվորականը 1870 թ. պարգևատրվել է ոսկե ժամացույցով, իսկ 1872 թ. արժանացել է Ս. Ստանիսլավի 3-րդ աստիճանի շքանշանի: 1874 թ. հունվարի 1-ին Զավրիեւը ստացել է պրապորշչիկի, իսկ նույն թվականի սեպտեմբերի 3-ին՝ պողպորուշչիկի զինվորական կոչում: Տեղագրական գորքերում հայազգի սպայի կատարած աշխատանքները գրեթե միշտ գտնվել են հրամանատարության ուշադրության ներքո և գնահատվել են ըստ արժանավայել: Գերազանց և բարեխիղճ ծառայության համար Զավրիեւը 1876 թ. արժանացել է Ս. Վլադիմիրի 4-րդ աստիճանի շքանշանի, 1877 թ. վաղաժամկետ ստացել է պորուչիկի, իսկ նույն թվականի օգոստոսի 22-ին՝ նաեւ շտաբս կապիտանի զինվորական կոչում:

1877-1878 թթ. ռուս-թուրքական պատերազմը ցարական Ռուսաստանի համար կանխադեսելի էր: Դրանով պայմանավորված ռուսները մինչև պատերազմի ազդարարումը ձեռնարկել էին մի շարք նախապատրաստական միջոցառումներ: Որոշ պատճառներով, սակայն, պատերազմի հավանական թափերաբեմի վերաբերյալ տեղեկատվական ապա-

հովուներ թերի էր, եւ ռուսական հրամանադատությունը այդ խնդիրը լուծեց հենց ռազմական գործողությունների ժամանակ: Պատերազմի մասնակից ռուսական տեղագրական խմբերը, դժվարագույն պայմաններում իրականացնելով տեղադիրման եւ տեղաշարժման աշխատանքներ, համարեցին ամեն տեղաշարժման բացը: Այդ գործողություններին մասնակցած զինվորական տեղագիրներից էր նաեւ Ս. Ս. Ջավրիեր, որն իր անձնուրաց ծառայության համար 1877 թ. արժանացել է Ս. Աննայի 3-րդ աստիճանի շքանշանի՝ սերտով եւ ժապավենով հանդերձ, իսկ 1878 թ.՝ Ս. Ստանիսլավի 2-րդ աստիճանի շքանշանի՝ սերտով հանդերձ:

1877-1878 թթ. ռուս-թուրքական պատերազմի արդյունքում Ռուսաստանին միացվեցին Կարսի, Արդահանի եւ Բաթումի շրջանները: Կարճ ժամանակահատվածում անհրաժեշտ եղավ գծագրել ռուս-թուրքական նոր սահմանային շրջանները: Ինչպես Ռուսաստանի, այնպես էլ Թուրքիայի տեղագրական ծառայությունները ձեռնամուխ եղան իրականացնելու այդ աշխատանքները: Ռուս-թուրքական սահմանային շրջաններում եւ բուն թուրքական տարածքներում գործող աշխատանքային խմբերի կազմում էր նաեւ հայագրի սպա Ս. Ս. Ջավրիեր, որի կատարած քարտեզագրումները արժեքավոր եւ անհրաժեշտ տեղեկություններ էին ոչ միայն ռուսների, այլեւ թուրքերի համար: Խաղաղ պայմաններում կատարված այդ աշխատանքների համար Ջավրիեր 1883 թ. արժանացել է թուրքական «Մեջլիսին» 3-րդ աստիճանի շքանշանի: 1886 թ. փետրվարի 28-ին հայագրի սպան դարձյալ որպես պարզեւ սրացել է կապիտանի զինվորական կոչում: 1889 թ. օգոստոսի 30-ին ստանալով փոխգնդապետի կոչում՝ Ջավրիեր շարունակել է բարեխղճորեն կատարել ռուս-թուրքական սահմանների ճշգրտման եւ քարտեզագրման աշխատանքները եւ արժանացել է ինչպես ռուսական, այնպես էլ թուրքական պարգևների: Բարեխղճորեն կատարված աշխատանքների համար 1891 թ. նա արժանացել է թուրքական «Օսմանիե» 3-րդ աստիճանի շքանշանի, 1894 թ. արժանացել է Ս. Աննայի 2-րդ աստիճանի շքանշանի, իսկ 1903 թ. դեկտեմբերի 6-ին՝ գնդապետի զինվորական կոչման¹: 1898 թ. օգոստոսի 1-ից Ջավրիեր զբաղեցրել է Կովկասյան ռազմական օկրուգի ռազմական-տեղագրական բաժնի նկարահանումներով զբաղվող բաժանմունքի պետի պաշտոնը²: Այդ պաշտոնով էլ հայագրի գնդապետը մասնակցել է Առաջին համաշխարհային պատերազմին³: Ջավրիեր ամուսնացած է եղել, ունեցել է 6 երեխա⁴:

Ռուսաստանի զինված ուժերում իրենց ինքնավեր ծառայությամբ աչքի են ընկել նաեւ հայագրի Կոսիկով գերդաստանի որոշ ներկայացուցիչներ⁵: Նրանցից փոխգնդապետ

1 Стн «Списокъ полковникамъ по старшинству», С. Петербург, 1905, из 881. «Списокъ полковникамъ по старшинству», С. Петербург, 1913, из 56. «Списокъ полковникамъ по старшинству», С. Петербург, 1914, էջ 28:

2 Стн «Общий списокъ офицерскимъ чинамъ Русской императорской армии», С. Петербург, 1909, էջ 100:

3 Стн «Списокъ полковникамъ по старшинству», Петроградъ, 1916, էջ 3:

4 Стн «Списокъ», С. Петербург, 1905, էջ 881:

5 Մերգել Նիկոլայի Կոսիկովի պորուչիկի կոչումով ծառայում էր Թիֆլիսում տեղակալված Կովկասյան զինադերական հրերանային բրիգադում, իսկ նրա եղբայրը՝ Գեորգի Նիկոլայի Կոսիկովի պորուչիկի կոչումով ծառայում էր Ախալցխայում տեղակալված ռուսական 20-րդ հրերանային բրիգադում: Стн «Общий списокъ офицерскимъ чинамъ Русской императорской армии», С. Петербург, 1909, из 633. «Общий списокъ офицерскимъ чинамъ Русской императорской армии», С. Петербург, 1910,

Նիկոլայ Սարգիսի (Սերգեյ) Կուսիկովը ռուսական բանակի փեղագրական կորպուսում ծառայելով շուրջ 55 տարի՝ զգալի ավանդ է ներդրել փեղագրական գործերի ամրապնդման գործում: Նայագգի սպան ծնվել է 1844 թ. դեկտեմբերի 12-ին: Կրթություն է ստացել զինվորական փեղագրական ուսումնարանում: Զինվորական ծառայության է անցել 1859 թ. հունիսի 8-ին: Կուսիկովը մասնակցել է 1868-1874 թթ. ռուս-թուրքական պատերազմին՝ այդ ընթացքում 1868 թ. օգոստոսի 30-ին ստանալով պրոպորշիկի, 1870 թ. ապրիլի 3-ին՝ պոդպորուշիկի, 1873 թ. մայիսի 11-ին՝ պորուշիկի (որպես պարզել) զինվորական կոչում: Օրինակելի ծառայության և ռազմական գործողություններում առանձնանալու համար հայագգի սպան 1874 թ. արժանացել է նաև Ս. Ստանիսլավի 3-րդ աստիճանի շքանշանի՝ սերերով և ժապավենով: Խաղաղ պայմաններում Կուսիկովի ծառայությունը նույնպես եղել է օրինակելի, ինչով պայմանավորված նա ունեցել է ծառայողական առաջխաղացում և 1877 թ. մարտի 15-ին ստացել է շտաբս կապիտանի զինվորական կոչում: Կարճ ժամանակ անց նա ստացել է նաև բարձրագույն պարգևներ՝ 1878 թ. արժանանալով Ս. Աննայի 3-րդ, իսկ 1884 թ.՝ Ս. Վլադիմիրի 4-րդ աստիճանի շքանշանների:

Կուսիկովին վստահված ցանկացած աշխատանք կատարվել է ամենայն պարասխանաբարությամբ և բարեխղճորեն, ինչով պայմանավորված հայագգի սպան գրեթե միշտ զգնվել է ուշադրության կենտրոնում: 1886 թ. մարտի 15-ին Կուսիկովը ստացել է կապիտանի, իսկ 1890 թ. օգոստոսի 30-ին փոխգնդապետի զինվորական կոչում՝ 1890 թ. արժանանալով նաև Ս. Ստանիսլավի 2-րդ աստիճանի շքանշանի: 1890 թ. օգոստոսի 8-ից մինչև Առաջին համաշխարհային պատերազմը Կուսիկովը ծառայելով Կովկասյան ռազմական օկրուգում՝ կատարել է քարտեզագրման և վիճաբանական աշխատանքներ, որոնք արդյունավետ են եղել և համարել են ռուսական զինված ուժերի փեղագրական բազան: Տքնաջան և անձնվեր աշխատանքի համար 1895 թ. Կուսիկովը արժանացել է Ս. Աննայի 2-րդ աստիճանի շքանշանի⁶:

Փոխգնդապետ Վախտանգ Պավելի Զալալյանցը (Վախտանգ Տեր-Պողոսի Նասան-Զալալյանց) ցարական զինված ուժերում իր ծառայության 35 և ավելի տարիների ընթացքում փեղագրական-քարտեզագրական լայնածավալ և կարեւոր աշխատանքներ կատարեց հաջորդապես Մերձամուրյան զինվորական շրջանում:

Վախտանգ Պավելի Զալալյանցը ծնվել է 1856 թ. հունվարի 27-ին: Կրթություն է ստացել Թիֆլիսի քաղաքային սեմինարիայում, հողաչափական և փեղագրական ուսումնարաններում: Ուսման ավարտից հետո ծառայության է նշանակվել Ռուսաստանի զինված ուժերի փեղագրական կորպուսում: Նայորդին զինվորական ծառայության է անցել 1877 թ. սեպտեմբերի 1-ին: 1879 թ. օգոստոսի 8-ին ստացել է պոդպորուշիկի, 1881 թ. օգոստոսի 30-ին՝ պորուշիկի, 1884 թ. օգոստոսի 30-ին՝ շտաբս կապիտանի, 1888 թ. օգոստոսի 30-ին՝ կապիտանի զինվորական կոչում: 1895 թ. օգոստոսի 13-ից հոկտեմբերի 31-ը զգնվել է պաշտոնաթող սպայի կարգավիճակում: Այնուհետև վերականգնվել է ծառայության և դարձյալ աչքի է ընկել օրինակելի և անբասիր ծառայությամբ: 1897 թ. մարտի 11-ից 1900

Էջ 672:

⁶ Տե՛ս “Списокъ подполковникамъ по старшинству”, С.Петербург, 1898, из 182. “Списокъ подполковникамъ по старшинству”, С.Петербург, 1913, էջ 1:

թ. հոկտեմբերի 26-ը եղել է Մերձամուրյան զինվորական շրջանի ռազմական տեղագրական բաժնի քարտուղարը եւ պահեստի ղեկավարը՝ այդ ընթացքում 1898 թ. ապրիլի 5-ին ստանալով փոխգնդապետի կոչում⁷:

ԺԹ. եւ Ի. դարերի սահմանագլխին արեւելքում ծավալված բարդ քաղաքական իրադարձությունները վերլուծելով եւ ճապոնիայի հակառուսական կողմնորոշումն ի նկատի ունենալով՝ ռուսական զինվորական գերաբնասությունը արեւելքում սպասվող վրանգի նախօրեին Մերձամուրյան զինվորական շրջանում կենտրոնացրեց Ռուսաստանի զինված ուժերի տեղագրական գործերի լավագույն մասնագետներից շարքերին: Այս մասնագետը զինվորականների թվում Վ. Պ. Ջալալյանցն առանձնանում էր մի շարք որակական հատկանիշներով: ԺԹ. դարի վերջին եւ հաջորդ դարի սկզբին Մերձամուրյան զինվորական օկրուգում Ջալալյանցի կատարած քարտեզագրումները, լուսանկարչական եւ վիճարկական աշխատանքները դարձել են այն կարևոր եւ հիմնական փաստաթղթերը, որոնց վրա հենվելով՝ ռուսական զինված ուժերը Նեոավոր արեւելքում ծավալված գործողությունների ժամանակ իրականացրեցին իրենց գորաշարժերը:

1900 թ. հոկտեմբերի 26-ից 1904 թ. հունվարի 3-ը ներգրավված լինելով Մերձամուրյան զինվորական օկրուգում տարվող լայնածավալ քարտեզագրման աշխատանքներում՝ Ջալալյանցը 1900-1901 թթ. մասնակցել է նաեւ դեպի Չինաստան ցարական Ռուսաստանի կազմակերպած ռազմարշավին⁸: Փոխգնդապետ Ջալալյանցը 1904 թ. հունվարի 3-ին ստանձնել է Մերձամուրյան զինվորական շրջանի տեղագրական բաժնի լուսանկարչական-վիճարկական աշխատանքների ղեկավարի պաշտոնը: Նա մասնակցել է նաեւ 1904-1905 թթ. ռուս-ճապոնական պատերազմին: Պատերազմի տարիներին նա սխեմավորել եւ քարտեզագրել է մի շարք ռազմական գործողություններ ու գորաշարժեր: Նա հեղինակ է նաեւ բազմաթիվ փաստաթղթերի, որոնք Գլխավոր շտաբի եւ հրամանատարության պահանջով ստեղծվեցին հենց պատերազմի ընթացքում: Այդ շտաբային քարտեզների, սխեմաների եւ տեղեկատվական փաստաթղթերի շնորհիվ ռուսական զինուժը լայնարձակ տարածությունների վրա բազմաթիվ անգամներ արդյունավետ եւ ճշգրիտ գորաշարժեր իրականացրեց:

Ռուս-ճապոնական պատերազմի ավարտից հետո փոխգնդապետ Ջալալյանցը ծառայության է նշանակվել Ռուսաստանի զինված ուժերի տեղագրական կորպուսի Իրկուտսկի ռազմական տեղագրական ստորաբաժանումում: 1909 թ. ապրիլի 6-ին ստանձնելով Իրկուտսկի ռազմական տեղագրական բաժնի քարտեզագրողի պարտականությունները՝ մինչեւ Առաջին համաշխարհային պատերազմի սկիզբն այդ տարածքում իրականացրել է նշանակալի ծավալի տեղագրական-քարտեզագրական եւ վիճարկական աշխատանքներ:

7 Стн “Списокъ подполковникамъ по старшинству”, С. Петербург, 1912, из 9. “Списокъ подполковникамъ по старшинству”, С. Петербург, 1913, էջ 6:

8 ԺԹ. դարի վերջին Չինաստանում ձեռավորվող հակառուսական տրամադրությունները շուրջով վեր- աճեցին մի ապստամբության, որը պատմության մեջ հայտնի է «խնդուանների» ապստամբություն անվանումով: Չինաստանում օրեցօր ահագնացող այս շարժումը հնազանդեցնելու համար ցարական Ռուսաստանը 1900 թ. ռազմարշավ է կազմակերպում դեպի Մանչուրիա եւ իրականացնում է պարփիչ գործողություններ: Стн **Б. А. Романов**, Очерки дипломатической истории русско-японской войны 1895-1907, Москва-Ленинград, 1955, էջ 122:

Վախարանգ Զալալյանցի սրելոժած փեղագրական փաստաթղթերից ու քարտեզներից շարերը են Առաջին աշխարհամարտի նախօրեին, են պատերազմի փարիներին օգտագործվեցին ինչպես Գլխավոր և բանակային շտաբներում, նույնպես և Ռուսաստանի ռազմական շրջաններում: Ռուսաստանի զինված ուժերում բարեխիղճ ծառայության համար հայազգի սպան արժանացել է բազմաթիվ պարգևների և շքանշանների՝ այդ թվում Ս. Սրանիսլավի 2-րդ (1898 թ.), Ս. Աննայի 2-րդ (1902 թ.), Ս. Վլադիմիրի 4-րդ (1907 թ.) ասպիճանի շքանշանների⁹:

ԺԹ. դարի վերջին և Ի. դարի սկզբին ռուսական կայսրության փեղագրական գորքերում ծառայող մյուս հայորդին, որի ներդրումը Ռուսաստանի ռազմագիտության ասպարեզում դարձյալ նշանակալից էր և կարևոր, փոխգնդապետ Մելքոն Ավերիքի Նասիբյանցն էր: Նրա զինվորական կյանքի ամենաարդյունավետ շրջանը Թուրքեստանյան զինվորական շրջանում ծառայողական փարիներն էին, որոնց ընթացքում Տաշքենդի ասպրադիփարանում Մ. Ա. Նասիբյանցը ֆիզիկայի և ասպրագիտության բնագավառում կատարեց մի շարք նշանակալից գիտահետազոտական աշխատանքներ:

Մելքոն Ավերիքի Նասիբյանցը (Նասիբով) ծնվել է 1854 թ. հոկտեմբերի 12-ին: Կրթություն է ստացել նախ Թիֆլիսի քաղաքային զինվորական պրոգիմնազիայի հողաչափական դասարանում, այնուհետև զինվորական փեղագրական ուսումնարանում: Ուսման ավարտից հետո ծառայության է նշանակվել Ռուսաստանի զինված ուժերի փեղագրական կորպուսում: Նասիբյանցը զինվորական ծառայության է անցել 1874 թ. հունիսի 2-ին: 1878 թ. սեպտեմբերի 10-ին ստացել է պոդպորուչիկի, 1879 թ. օգոստոսի 30-ին՝ պորուչիկի, 1882 թ. օգոստոսի 30-ին՝ շտաբ կապիտանի զինվորական կոչում: Գերագանց և բարեխիղճ ծառայության համար հայազգի սպան 1883 թ. արժանացել է Ս. Սրանիսլավի 3-րդ, իսկ 1886 թ.՝ Ս. Աննայի 3-րդ ասպիճանի շքանշանների: Օրինակելի ծառայության շնորհիվ ունեցել է նաև ծառայողական առաջխաղացում. 1887 թ. օգոստոսի 30-ին ստացել է կապիտանի կոչում: Ամբասիր ծառայության համար Նասիբյանցը 1890 թ. արժանացել է Ս. Սրանիսլավի 2-րդ, իսկ 1895 թ.՝ Ս. Աննայի 2-րդ ասպիճանի շքանշանների: 1895 թ. նա արժանացել է նաև «Բարձրագույն շնորհակալագրի»: 1897 թ. դեկտեմբերի 6-ին սրանալով փոխգնդապետի կոչում՝ ծառայության է նշանակվել Անդրկասպյան փարածաշրջանում: Նայազգի սպան ղեկավարել է այդ փարածաշրջանում փարվող դաշտային փեղագրական-գծագրական աշխատանքները, որոնք արժանացել են վերադասի բարձր գնահատականին: Գերագանց ծառայության համար 1899 թ. Նասիբյանցն արժանացել է Ս. Վլադիմիրի 4-րդ ասպիճանի շքանշանի: 1906 թ. ապրիլի 21-ից մինչև Առաջին համաշխարհային պատերազմի սկիզբը հայազգի փոխգնդապետը ծառայել է Թուրքեստանյան ռազմական փեղագրական բաժնում և Տաշքենդի փիեզերագիտական և ֆիզիկական ասպրադիփարանում¹⁰:

Ռուսաստանի զինված ուժերի փեղագրական գորքերի կատարելագործման և

9 Տե՛ս “Списокъ подполковникамъ по старшинству”, С. Петербург, 1912, из 9. “Списокъ подполковникамъ по старшинству”, С. Петербург, 1913, էջ 6:

10 Տե՛ս “Списокъ подполковникамъ по старшинству”, С. Петербург, 1898, из 714. “Списокъ подполковникамъ по старшинству”, С. Петербург, 1912, ч. 3, из 8. “Списокъ подполковникамъ по старшинству”, С. Петербург, 1913, էջ 5:

ամրապնդման գործընթացին բուռն է սպեղծագործ աշխատանքներով մասնակցություն ունեցավ նաև Մելքոն Ավերիքի Նասիբյանցի երկվորյակ եղբայրը՝ փոխգնդապետ Գասպար Ավերիքի Նասիբյանցը: Գ. Ա. Նասիբյանցը ծնվել է 1854 թ. հոկտեմբերի 12-ին: Կրթություն է ստացել նախ պրոգիմնագիայում, ապա զինվորական տեղագրական ուսումնարանում: Ուսման ավարտից հետո ծառայության է նշանակվել Ռուսաստանի զինված ուժերի տեղագրական կորպուսում: Նա զինվորական ծառայության է անցել 1876 թ. սեպտեմբերի 20-ին: 1882 թ. օգոստոսի 30-ին ստացել է պողպորուչիկի, 1884 թ. օգոստոսի 30-ին՝ պորուչիկի, 1887 թ. օգոստոսի 30-ին՝ շտաբս կապիտանի, 1890 թ. օգոստոսի 30-ին՝ կապիտանի զինվորական կոչում: Գերագույն էր բարեխիղճ ծառայության համար Նասիբյանցը 1893 թ. արժանացել է Ս. Ստանիսլավի 2-րդ, իսկ 1897 թ.՝ Ս. Աննայի 2-րդ աստիճանի շքանշանների: 1904 թ. մարտի 28-ին ստանալով փոխգնդապետի կոչում է արժանանալով Ս. Վլադիմիրի 4-րդ աստիճանի շքանշանի՝ ծառայության է նշանակվել Կովկասյան զինվորական շրջանի ռազմական տեղագրական բաժնի նկարահանման բաժանմունքի պետի պաշտոնում: Որպես բաժանմունքի պետ՝ Նասիբյանցը մինչև Առաջին համաշխարհային պատերազմը համակարգել է ղեկավարել է մի շարք տեղագրական աշխատանքներ, կրկին արժանացել քարքեր պարգևների¹¹:

Ի. դարի սկզբին իր որակական հատկանիշների շնորհիվ ռուսական կայսրության տեղագրական գործերում մեծ հեղինակություն էր վայելում նաև հայազգի կապիտան Պավել Պավելի Բեկխանովը: Նա ծնունդով Քույթախի շրջանից էր, ազնվականական ընտանիքից¹²: 1900-1904 թթ. պողպորուչիկի կոչումով ծառայել է Կովկասյան ռազմական շրջանի ռազմական տեղագրական բաժնում: 1910 թ. նույն պաշտոնում ծառայության ընթացքում ստացել է կապիտանի կոչում: Ապրել է Թիֆլիսում¹³:

Ռուսական կայսրությունում տեղագրական գործերի ծնունդը եւ ռուսական բանակում հայերի կազմակերպված ծառայության սկիզբը տեղի է ունեցել պարսկական նույն ժամանակահատվածում՝ ԺԸ. դարի 20-ական թվականներին: Կարճ ժամանակահատվածում հայերը ծառայության են անցել ռուսական կայսրության զինված ուժերի գրեթե բոլոր զորատեսակներում: Իրենց օրինակելի ծառայությամբ քաղաքների ընթացքում նրանք կարողացել են ձեռավորել բարի ավանդույթներ եւ ձեռք բերել մեծ համբավ: Նայազգի զինվորականության որակական բարձր հատկանիշներ ունենալու հանգամանքը եւս մեկ անգամ դրսևորվել է ԺԹ. դարի վերջին եւ հաջորդ դարի սկզբին, քանզի պարսկական այդ ժամանակաշրջանը ռուսական կայսրության համար ճակատագրական էր: Երկրի առջև ծառացած վտանգը դիմակայելու համար ռուսական կայսր Նիկոլայ Երկրորդը եւ զինվորական նախարարը ուղղակի պարտավորված՝ մի կողմ դնելով սպայի ազգային պարկանելության գործոնը, հատուկ զորատեսակներում ծառայության նշանակեցին գրագետ եւ բանիմաց զինվորականների: Այդ զինվորականներից Ս. Ս. Զավրիեւը, Ն. Ս. Կուսիկովը, Վ. Պ. Ջալալյանցը, Նասիբյանց եղբայրները ծանրակշիռ ներդրում կատարեցին ցարական Ռուսաստանի տեղագրական գործերի ամրապնդման շարունակական գործընթացում:

11 Տե՛ս «Списокъ подполковникамъ по старшинству», С.Петербург, 1912, ч.3, էջ 121:

12 Բեկխանովի հայրը կոլեգիալ խորհրդական էր:

13 Տե՛ս **Юрий Асадов**, 1000 офицерских имен в Армянской истории. Историко-биографические очерки, Пятигорск, 2004, էջ 193: